

ve Domino curæ. *Quam in rem rectè scribit Hieronymus in commen- Hieronymus.*
tario super cap. 18. Ezech. Omnes, inquit Dominus, animæ meæ sunt
juxta creaturam, non juxta meritum. Ideò omnibus Deus bene-
cupit, quia omnium Deus & Pater est. *Quod ipsum etiam Tremel-
lius in notis supra Cap. 18. v. 4. observat, docetq;* argumentum defumi
à natura D E I, qua tanquam Pater amat omnes animas suas. *Et bio-
logia, inquit, est, (quando dicitur vers. 4. Ezech. 18. En omnes animæ
meæ sunt, æquè anima Patris, atque anima filii meæ sunt) à natura
studioq; Dei in res creatas suas. Quod dicitis, vos injustè pœnam alienam
luere vers. 3. ibidem (respondet Jehova Judæis) estis in me contumeliosi.
Nam ego ut omnium creator sum, ita paterno studio erga omnes ducor:
non possum à me temerè abalienare quemquam, sed si quis se abalienave-
rit, sua injustitia evenit, non injuria mea. Hæc ille. Rectissimè. Deus e-
nim omnia, quæ sunt in natura diligit, ac nihil eorum, quorum est
effector, abominatur, omnibus parcit, cum sit animarum amantis-
simus Sap. 11. v. 25, 27. Similiter Osee 11. v. 9. Protestatur Dominus:
Non faciam secundum iram furoris mei, non revertar ad disper-
dendum Ephraim, quoniam Deus ego sum, & non homo. Ecce Cau-
sam, cur velit parcere, & non perdere, quia DEUS sum, inquit Jehova.*

II. Notetur vis vocis sive Emphasis verborum **וְעָנָה וְפָחָה**.
*Quæ interrogatio fortissimè negat, ut Tremellius & Piscator hic fateri co-
guntur, & per vehementiam negandi disertè dicitur, וְעָנָה לֹא v. 32.*
non volo, renuo, averfor. Eam enim vim istius dictionis esse non
modo ex acerrima D E I cum populo Judaico contentione, textusq;
coherentia constat, sed & ratio loquendi per se talis est. *Sic Deuter.
25. v. 7. וְעָנָה לֹא explicatur per וְעָנָה רְעוּבִית, & וְעָנָה לֹא, non
vult. Ita accipitur Job. 12. v. 14. Esa. 65. v. 12. Psal. 5. v. 5. Psal. 51. v.
81. Esa. 1. v. 11. 13. Malach. 1. v. 20. &c.*

III. Notetur genus mortis, quod b. l. intelligatur, non temporalis
tantum, & violenta mors, sed spiritualis quoque, qua impii moriun-
tur in suis peccatis, nisi pœnitentiam egerint. *Notanter dicitur, nolo
mortem morientis, sive pereuntis in suis peccatis. Adeo nullius pecca-
toris mortem vult Dominus, nec ejus quidem, qui ob peccata sua
moritur, peritq;. Rectè Hieron. sup. c. 23. Ezech. h. l. Vita & mors
hoc loco non significantur ea, quæ omnes communi cum bestiis
lege naturæ vel vivimus, vel morte dissolvimur, sed illa, de qua*

B

scri-